



Adresa:

Studentska ulica 37/a, L8

Radno vrijeme: ponedjeljak - petak
08-15h

www.yihr.me

cgooffice@yihr.me | cgooffice@yihr.org

+382 20 513 687



Crna Gora
Ministarstvo javne uprave,
digitalnog društva i medija

Morinj

Logor u Morinju (opština Kotor) formiran je 3. oktobra 1991. godine, i to samo par dana prije nego što su crnogorski rezervisti JNA započeli opsadu Dubrovnika, promovisanu kao „rat za mir“. Od osnivanja do zatvaranja logora 18. avgusta 1992, u njemu su boravila 292 muškarca, civila i vojnika iz dubrovačke regije. Brojni svjedoci tokom suđenja su izjavljivali da je logor bio mjesto gdje su se odvijala sistematska mučenja, gdje su nanijete velike patnje i povrede tjelesnog integriteta zatvorenih lica, i to od stražara i vojnih policajaca.

Prva optužnica je podignuta tek nakon 16 godina. Pored svih navoda o mučenjima, nije bilo osude za sistematska mučenja i zlostavljanja. Najveću kaznu dobio je kuvar koji je radio u logoru, dok među okrivljenima nema nalogodavaca. Tužilaštvo je propustilo da zločine u logoru Morinj tretira kao organizovani sistem zlostavljanja zatvorenika i da za takvo zlostavljanje optuži osobe koje su bile nadređene neposrednim izvršiocima, iako iz spisa predmeta proizilazi da je za to bilo osnova i da su te osobe trebale znati za zlostavljanja i ista spriječiti. Praksa Međunarodnog krivičnog suda je da su za zločine počinjene u logorima odgovarali i oni koji nisu bili neposredni izvršiocima, ali su svejedno okrivljeni ili i osuđeni kao učesnici, odnosno pomagači u tzv. zajedničkom zločinačkom poduhvatu.